




სსიპ - საგანმანათლებლო და სამეცნიერო
ინფრასტრუქტურის განვითარების სააგენტო



MES 2 22 0000863321



01/08/2022

სსიპ „საგანმანათლებლო და სამეცნიერო ინფრასტრუქტურის განვითარების სააგენტო“-ს
სახელმწიფო ბიუჯეტის ასიგნების ფარგლებში სახელმწიფო შესყიდვების
განსახორციელებლად შექმნილი სატენდერო კომისიის სხდომის
ოქმი N1

ქ. თბილისი

სხდომას უძღვებოდა:

ლევან სუხიტაშვილი - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“
დირექტორი - კომისიის თავმჯდომარე;

სხდომას ესწრებოდნენ:

გიორგი შალუტაშვილი - სსიპ „საგანმანათლებლო და სამეცნიერო ინფრასტრუქტურის განვითარების
სააგენტოს“ დირექტორის პირველი მოადგილე - კომისიის წევრი;

ტარიელ გუგავა - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“
დირექტორის მოადგილე - კომისიის წევრი;

დავით ლომინაძე - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“
დირექტორის მოადგილე - კომისიის წევრი;

დავით მესხიშვილი - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“
შესყიდვების სამსახურის უფროსი - კომისიის წევრი;

სატენდერო კომისიის აპარატის წევრები:

ლევან სუხიტაშვილი - აპარატის ხელმძღვანელი;

თამარ კუჭუხიძე - აპარატის წევრი;

დღის წესრიგი: სსიპ საგანმანათლებლო და სამეცნიერო ინფრასტრუქტურის განვითარების სააგენტოს მიერ
2022-2023 წლების სახელმწიფო ბიუჯეტის დაფინანსების ფარგლებში ქალაქ თბილისის N160 საჯარო სკოლის
სარეაბილიტაციო სამუშაოების სახელმწიფო შესყიდვაზე ელექტრონული ტენდერის აუქციონის გარეშე
ჩასატარებლად შესაბამისი სატენდერო დოკუმენტაციისა და ტენდერის ჩატარების შესახებ განცხადების
პირობების მომზადება.

აღწერილობითი ნაწილი: 2022 წლის 14 ივლისის N804950 სამსახურებრივი ბარათის თანახმად, 2022-2023 წლების
სახელმწიფო ბიუჯეტის დაფინანსების ფარგლებში საჭიროა გამოცხადდეს ტენდერი ქალაქ თბილისის N160
საჯარო სკოლის სარეაბილიტაციო სამუშაოების შესყიდვაზე. სამუშაოების სავარაუდო ჯამური ღირებულება
ექსპერტიზის მომსახურებით შეადგენს 3,130,527.64 ლარს. მიწოდების ვადა განსაზღვრულია 270 კალენდარული
დღით. ვინაიდან, სამუშაოების დასრულება და შესაბამისი ანგარიშსწორება ვერ მოესწრებოდა 2022 წლის
ბიუჯეტის ფარგლებში, სამუშაოების განხორციელება დაიგეგმა მრავალწლიანი შესყიდვის პროცედურით.
აღნიშნულის თაობაზე, საქართველოს ფინანსთა სამინისტროდან მიღებულია 2022 წლის 28 ივლისის N04-02/69429
(სააგენტოში რეგისტრირებულია N852441; 28.07.2022 წ.) თანხმობის წერილი;

შესყიდვის სავარაუდო ღირებულება წლების მიხედვით განაწილდა შემდეგი მოცულობით: 2022 წელს სავარაუდოდ განხორციელდება 700,000.00 ლარის სამუშაოები, ხოლო 2023 წელს სავარაუდოდ განხორციელდება 2,430,527.64 ლარის სამუშაოები:

სამოტივაციო ნაწილი:

სატენდერო კომისიას მიზანშეწონილად მიაჩნია ჯამური სავარაუდო ღირებულება განისაზღვროს 3,130,527.64 ლარით, ხოლო მიწოდების ვადა 270 კალენდარული დღით;

შესრულებული სამუშაოების საგარანტიო ვადების შესახებ ინფორმაცია წარმოადგენს მხარეთა შორის გაფორმებული ხელშეკრულების დანართს და შესაბამისად მის განუყოფელ ნაწილს.

შესრულებულ სამუშაოებზე საგარანტიო ვადა შეადგენს საბოლოო მიღება-ჩაბარების აქტის გაფორმებიდან ორ წელს;

შესრულებული სამუშაოების ხარისხის უზრუნველსაყოფად, წინამდებარე ტენდერის ხელშეკრულების ფარგლებში გამოყენებული იქნება საბანკო ან სადაზღვევო კომპანიის (საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიიდან) მიერ გაცემული ხარისხის უზრუნველყოფის უპირობო (გარანტიით გათვალისწინებული თანხა შემსყიდველმა უნდა მიიღოს ყოველგვარი დამატებითი განმარტებებისა და მტკიცებულებების წარდგენის გარეშე, პირველი მოთხოვნისთანავე) და გამოუთხოვადი გარანტია, ფაქტიურად შესრულებული სამუშაოს ღირებულების 2.5%-ის ოდენობით. გარანტიის მოქმედების ვადა მინიმუმ 30 (ოცდაათი) კალენდარული დღით უნდა აღემატებოდეს საგარანტიო ვადის ამოწურვის თარიღს (საბოლოო მიღება-ჩაბარების აქტის გაფორმებიდან 2 (ორი) კალენდარული წელი). გარანტია გაცემული უნდა იყოს ეროვნულ ვალუტა - ლარში. გარანტია წარმოდგენილი უნდა იქნას საბოლოო მიღება-ჩაბარების აქტის გაფორმებიდან არაუგვიანეს ხუთი სამუშაო დღის ვადაში.

შესასრულებელი სამუშაოების მოცულობის, სირთულისა და სპეციფიკის გათვალისწინებით სატენდერო კომისიას მიზანშეწონილად მიაჩნია სატენდერო დოკუმენტაციაში ინფორმაცია პრეტენდენტის გამოცდილების შესახებ მოცემულ შემთხვევაში განისაზღვროს შემდეგნაირად:

2.2.1.1. პრეტენდენტს საქართველოს ტერიტორიაზე ან/და სხვა ქვეყნის ტერიტორიაზე (გარდა იმ ქვეყნის ტერიტორიისა, სადაც რეგისტრირებულია პრეტენდენტი) 2019 წლის 1 იანვრიდან მოცემულ ტენდერში წინადადებების მიღების დასრულების დღემდე უნდა ჰქონდეს შენობის (არ იგულისხმება გზა, ხიდი, გვირაბი) სამშენებლო-სარეაბილიტაციო სამუშაოების შესრულების გამოცდილება არანაკლებ 6 261 054 (ექვსი მილიონ ორასსამოცდაერთი ათას ორმოცდაათოთხმეტი) ლარის ღირებულებით, მათ შორის ერთი ხელშეკრულების ფარგლებში არანაკლებ 3 130 527 (სამი მილიონ ასოცდაათი ათას ხუთასოცდაშვიდი) ლარის ოდენობით, რომელზეც წარმოდგენილი უნდა იქნას დამკვეთის მიერ გაცემული სარეკომენდაციო წერილი. სარეკომენდაციო წერილში მითითებული უნდა იყოს ხელშეკრულების გაფორმების თარიღი, ხელშეკრულების ნომერი, შესყიდვის ობიექტის დასახელება, შესრულებული სამუშაოების ღირებულება (შესრულებული სამუშაოების ღირებულების მითითება სარეკომენდაციო წერილში სავალდებულო არ არის, თუ ეს ინფორმაცია იკითხება მიღება-ჩაბარების აქტში), ინფორმაცია იმის შესახებ რომ ხელშეკრულებით ნაკისრი ვალდებულებები შესრულებულია სრულად და ჯეროვნად. გარდა ამისა პრეტენდენტმა მოთხოვნილი გამოცდილების დასტურად უნდა წარმოადგინოს ხელშეკრულებ(ებ)ი, საბოლოო მიღება-ჩაბარების აქტ(ებ)ი და ანგარიშფაქტურ(ებ)ი (არსებობის შემთხვევაში - ვრცელდება ანგარიშფაქტურაზე) ან ანგარიშსწორების დამადასტურებელი შესაბამისი დოკუმენტაცია (საგადახდო დავალება).

2.2.1.2. იმ შემთხვევაში თუ დამკვეთი (შემსყიდველი) და შემსრულებელი (პრეტენდენტი ან ამხანაგობის წევრი) არის ერთი და იგივე პირი და არ არსებობს სამუშაოების მიწოდებაზე გაფორმებული ხელშეკრულება, შესაძლებელია წარმოდგენილი იქნას აუდიტორული ფირმების ან/და აუდიტორების სახელმწიფო რეესტრში რეგისტრირებული პირის მიერ გაცემული შესაბამისი დასკვნა (დასკვნაში მითითებული უნდა იყოს დასკვნის გამცემი პირის სახელმწიფო რეესტრში რეგისტრაციის ნომერი და აღნიშნული უნდა იძებნებოდეს

<https://www.saras.gov.ge> ვებ-გვერდზე შესაბამის რეესტრში), რომლითაც უნდა დასტურდებოდეს, რომ პრეტენდენტს ზემოაღნიშნული პერიოდის განმავლობაში გააჩნია მოთხოვნილი ღირებულების და შინაარსის სამშენებლო-სარეაბილიტაციო სამუშაოების შესრულების გამოცდილება.

2.2.1.3. იმ შემთხვევაში, თუ პრეტენდენტს შესრულებული აქვს სამუშაოები, როგორც ქვეკონტრაქტორს სახელმწიფო შესყიდვების ფარგლებში, მაშინ ეს სამუშაოები გამოცდილებად ჩაითვლება მხოლოდ იმ შემთხვევაში, თუ ქვეკონტრაქტორის მიერ სამუშაოების შესრულება წინასწარ იყო შეთანხმებული ძირითად შემსყიდველთან (თუ საჭირო იყო შეთანხმება) და სამუშაოები სრულად არის დასრულებული და მიღებული ძირითადი შემსყიდველის მიერ (მხოლოდ ქვეკონტრაქტის ფარგლებში სამუშაოების სრულად მიწოდება არ არის საკმარისი).

2.2.1.4. იმ შემთხვევაში თუ პრეტენდენტის მიერ შესრულებული სამუშაოების შესყიდვა განხორციელებულია სახელმწიფო შესყიდვების ერთიანი ელექტრონული სისტემის გამოყენებით და შესყიდვისა და სამუშაოების შესრულების დამადასტურებელი დოკუმენტ(ებ)ი ატვირთულია სახელმწიფო შესყიდვების ერთიანი ელექტრონულ სისტემაში, გამოცდილების დამადასტურებელი დოკუმენტაციის წარმოდგენა სავალდებულო არ არის. ასეთ შემთხვევაში საკმარისია სატენდერო განცხადების ან CMR ნომრების შესახებ ინფორმაციის წარმოდგენა. შესაბამის სატენდერო განცხადების ან CMR ნომრებს მინიჭებული უნდა ჰქონდეს სტატუსი "შესრულებული ხელშეკრულება" ან "მიმდინარე ხელშეკრულება - საგარანტიო პერიოდი". მოცემული ინფორმაციის წარმოდგენის შემთხვევაში, პრეტენდენტი თავისუფლდება სატენდერო დოკუმენტაციის 2.2.1.1. პუნქტით განსაზღვრული დოკუმენტაციის წარმოდგენისგან.

2.2.1.5. იმ შემთხვევაში, თუ პრეტენდენტს გამოცდილება მიღებული აქვს სახელმწიფო საიდუმლოებასთან დაკავშირებული სამუშაოების შესრულებით („გრიფით საიდუმლო“), საკმარისია შესრულებული სამუშაოების შესახებ დამკვეთის მიერ გაცემული ცნობის (წერილის) წარმოდგენა. ამ დოკუმენტის მეშვეობით უნდა დგინდებოდეს 2.2.1.1 პუნქტით განსაზღვრულ მოთხოვნასთან შესაბამისობა.

შესყიდვის ობიექტის სპეციფიკის გათვალისწინებით ასევე მნიშვნელოვანია საავანსო გადახდის პირობების განსაზღვრა. აღნიშნული პირობა მიზანშეწონილია ჩამოყალიბდეს შემდეგი რედაქციით: საავანსო ანგარიშსწორება შესაძლებელია განხორციელდეს ხელშეკრულების მოქმედების ნებისმიერ ეტაპზე მიმწოდებლის მოთხოვნის საფუძველზე, შემსყიდველთან წინასწარ შეთანხმებული ოდენობით, მაგრამ არაუმეტეს ასათვისებელი თანხის 20%-ის ოდენობით. თუ მიმწოდებლის მიერ ავანსის სახით გათვალისწინებული თანხა ათვისებული იქნება (ერთჯერადად ან ეტაპობრივად) სრული მოცულობით, მომდევნო საავანსო ანგარიშსწორება ხელშეკრულების ფარგლებში დარჩენილი თანხის არაუმეტეს 20%-ის ოდენობით შესაძლებელია განხორციელდეს იმ შემთხვევაში, თუ ავანსის სახით მიცემული თანხა სრულად არის გაქვითული. საავანსო ანგარიშსწორების მოთხოვნის შემთხვევაში „მიმწოდებელმა“ უნდა წარმოადგინოს საქართველოს ეროვნული ბანკის მიერ ლიცენზირებული საბანკო დაწესებულებიდან გაცემული საბანკო გარანტია, რომლის მოქმედების ვადა 1 (ერთი) თვით უნდა აღემატებოდეს ხელშეკრულების მოქმედების ვადას. გარანტია წარმოდგენილი უნდა იქნას ეროვნულ ვალუტაში - ლარში. უცხოური ბანკიდან საბანკო გარანტიის წარმოდგენის შემთხვევაში მასთან ერთად მიმწოდებელმა უნდა წარმოადგინოს ზემოაღნიშნული საბანკო გარანტიის საფუძველზე საქართველოს ეროვნული ბანკის მიერ ლიცენზირებული საბანკო დაწესებულებიდან გაცემული „კონტრგარანტია“ (ლარში). საბანკო გარანტია და მასთან დაკავშირებული დოკუმენტაცია წარმოდგენილი უნდა იქნას ქართულ ენაზე (დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს საქართველოს კანონმდებლობით დადგენილი წესით შესრულებული თარგმანი ქართულ ენაზე).

ავანსის სახით გადახდილი თანხის გაქვითვა მოხდება ეტაპობრივად, ფაქტიურად შესრულებული სამუშაოების ღირებულების პროპორციულად.

სატენდერო დოკუმენტაციაში საავანსო გადახდის პირობების განსაზღვრისას სატენდერო კომისია ყურადღებას ამახვილებს შემდეგ ფაქტორებზე: „სახელმწიფო შესყიდვების შესახებ“ საქართველოს კანონის ფუნდამენტურ მიზანს წარმოადგენს სახელმწიფო შესყიდვებისთვის განკუთვნილი სახელმწიფო საბიუჯეტო სახსრების რაციონალური ხარჯვის უზრუნველყოფა და იგი რეგლამენტირებულია მითითებული კანონის მე-2 მუხლის „ა“ პუნქტით. ამავე კანონის მე-7 მუხლის მე-3 პუნქტის „ა“ ქვეპუნქტით იმპერატიულად არის

განსაზღვრული შემსყიდველის ვალდებულება რაციონალურად და საქართველოს სახელმწიფო ინტერესების გათვალისწინებით განახორციელოს შესყიდვები მისთვის გამოყოფილ ასიგნებათა ფარგლებში, ამ კანონითა და შესაბამისი ნორმატიული აქტებით დადგენილი წესების დაცვით; მითითებული მუხლის მე-3 პუნქტით ასევე იმპერატიულად არის დადგენილი, რომ პასუხისმგებლობა ამ კანონითა და შესაბამისი ნორმატიული აქტებით დადგენილი წესებისა და ნორმების დაცვისათვის, შესყიდვების რაციონალური განხორციელებისათვის მთლიანად ეკისრება შემსყიდველ ორგანიზაციას.

„სახელმწიფო შესყიდვების შესახებ“ საქართველოს კანონის 21¹ მუხლის პირველი პუნქტის მიხედვით, წინასწარი ანგარიშსწორების შემთხვევაში მიმწოდებელი ვალდებულია შემსყიდველ ორგანიზაციას წარუდგინოს წინასწარ გადასახდელი თანხის იდენტური ოდენობის გარანტია, გარდა ამ მუხლის მე-2 პუნქტითა და კანონქვემდებარე ნორმატიული აქტით გათვალისწინებული შემთხვევებისა.

შესაბამისად, სახელმწიფო შესყიდვების განხორციელებისას, საბიუჯეტო სახსრების რაციონალურად ხარჯვისა და ხელშეკრულების ფარგლებში წინასწარი ანგარიშსწორების უზრუნველყოფის საშუალებად, კანონმდებლობით დადგენილ შემთხვევებში შემსყიდველი იყენებს საბანკო გარანტიას.

საქართველოს სამოქალაქო კოდექსის 879-ე მუხლის თანახმად საბანკო გარანტიის ძალით ბანკი, სხვა საკრედიტო დაწესებულება ან სადაზღვევო ორგანიზაცია (გარანტი) სხვა პირის (პრინციპალის) თხოვნით კისრულობს წერილობით ვალდებულებას, რომ ნაკისრი ვალდებულების შესაბამისად გადაუხდის პრინციპალის კრედიტორს (ბენეფიციარს) ფულად თანხას გადახდის შესახებ ბენეფიციარის წერილობითი მოთხოვნის საფუძველზე.

ამდენად, საბანკო გარანტიის არსიდან გამომდინარე, ბანკი, სხვა საკრედიტო დაწესებულება ან სადაზღვევო ორგანიზაცია კისრულობს პასუხისმგებლობას, ბენეფიციარის მოთხოვნისთანავე ანაზღაუროს ზიანი ფულადითანხის გადახდის გზით. ამდენად, გაცემული გარანტია უპირობოდ წარმოშობს ზიანის ანაზღაურების სამომავლო ვალდებულებას. აღნიშნული, სახელმწიფო შესყიდვის დროს, ხელშეკრულების ფარგლებში წინასწარი ანგარიშსწორებისას სახელმწიფო ბიუჯეტის კუთვნილი სახსრების დაცვის მნიშვნელოვანი და ეფექტური მექანიზმია.

ვინაიდან, პრინციპალის მხრიდან არასასურველი გარანტიის წარმოდგენა საფრთხეს შეუქმნის შემსყიდველი ორგანიზაციის მიერ „სახელმწიფო შესყიდვების შესახებ“ საქართველოს კანონის დაცვას, კანონმდებლობის მოთხოვნებიდან გამომდინარე, სააგენტო ვალდებულია სახელმწიფო შესყიდვების განხორციელებისას იმოქმედოს გონივრულად და არ დაუშვას სახელმწიფო ბიუჯეტის კუთვნილი ფულადი სახსრების იმდაგვარი განკარგვა, რომ არ დაირღვეს სახელმწიფო შესყიდვების კანონმდებლობით დადგენილი პრინციპები და ზიანი მიადგეს სახელმწიფო ინტერესებს.

პრაქტიკაში გამოვლინდა შემთხვევები, რაც კითხვის ნიშნის ქვეშ აყენებს გარანტიის სამართლებრივ ინსტიტუტს, როგორც მოთხოვნის დაკმაყოფილების სწრაფ და ეფექტურ საშუალებას.

ზოგიერთი სადაზღვევო კომპანიის მიერ გაიცემა საბანკო გარანტია, რომლითაც ფორმალურად კისრულობს უპირობო ვალდებულებას, პირველივე მოთხოვნისთანავე (არაუმეტეს 5-10 სამუშაო დღის ვადაში) აანაზღაუროს საგარანტო თანხა (მოთხოვნის ან მოთხოვნილი თანხის ყოველგვარი დასაბუთების გარეშე). მოთხოვნის წარდგენისას კი მათი მხრიდან ირღვევა გარანტიის დამოუკიდებლობის პრინციპი და გარანტი აჭიანურებს თანხის გადახდას. აღნიშნულით კი მნიშვნელოვანი ზიანი ადგება სახელმწიფო ინტერესებს.

შესაბამისად, განსაკუთრებით საყურადღებოა საავანსო გარანტიასთან მიმართებაში სახელმწიფოს ინტერესების გათვალისწინება, ვინაიდან საკითხი ეხება სახელმწიფო ბიუჯეტის კუთვნილი თანხების უზრუნველყოფას. ამასთან, საავანსო თანხა გაიცემა სააგენტოს პასუხისმგებლობით და სატენდერო დოკუმენტაციის პირობებიც უნდა ჩამოყალიბდეს იმგვარად, რომ არ ეწინააღმდეგებოდეს საქართველოს კანონმდებლობას, დაცული იქნას საბიუჯეტო სახსრები და სახელმწიფო ინტერესები.

ამდენად, სახელმწიფო შესყიდვების შესახებ ხელშეკრულების ფარგლებში წინასწარი ანგარიშსწორების განხორციელებისას უზრუნველყოფის გარანტიის სავალდებულოდ მოთხოვნის მიზანია სახელმწიფო ბიუჯეტის კუთვნილი ფულადი სახსრების საიმედო დაცვა სახელშეკრულებო ვალდებულებათა შეუსრულებლობით გამოწვეული შედეგებისაგან. სწორედ ამ მიზეზების გათვალისწინებით, საბანკო გარანტია, რომელსაც ადმინისტრაციული ორგანო იღებს საავანსო გადახდის უზრუნველყოფის სახით, უნდა იყოს საიმედო და

შესაბამისი დარღვევის შემთხვევაში, გარანტირებული უნდა იყოს მისი ანაზღაურება. სწორედ ამგვარი ტიპის გარანტიის მიღებაა ასეთ შემთხვევაში სახელმწიფოს ინტერესი.

ზემოთმითითებული ფაქტობრივი გარემოებების გათვალისწინებით, სახელმწიფო საბიუჯეტო სახსრების რაციონალურად ხარჯვის, სახელმწიფო ინტერესების და სააგენტოს პასუხისმგებლობის მაქსიმალურად დაცვის უზრუნველსაყოფად, აუცილებელია საავანსო ანგარიშსწორების მოთხოვნის შემთხვევაში მიმწოდებლის მიერ წარმოდგენილი იქნას საქართველოს ეროვნული ბანკის მიერ ლიცენზირებული საბანკო დაწესებულების მიერ გაცემული საბანკო გარანტია.

სატენდერო დოკუმენტაციაში გათვალისწინებული იქნას პირობა: „სამუშაოების წარმოების პროცესში, სამუშაოს ახალი პოზიცი(ებ)ის წარმოქმნის შემთხვევაში, შემსყიდველის მხრიდან ცვლილება (ახალი პოზიციის დამატება) განხორციელდება სსიპ-ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტირებული პირის მიერ გაცემული დასკვნის ან მშენებლობის შემფასებელთა კავშირის „სამშენებლო რესურსების ფასებით“ განსაზღვრული ფასის ფარგლებში. ექსპერტიზის მომსახურებას უზრუნველყოფს მიმწოდებელი“.

სატენდერო კომისიის მიერ მოწონებული იქნა სისტემაში ელექტრონულად შევსებული სატენდერო დოკუმენტაციისა და სატენდერო განცხადების პროექტი, რომელიც დამტკიცების შემდეგ უნდა დარეგისტრირდეს სისტემაში.


დაადგინეს:

1. დამტკიცდეს სატენდერო განცხადება და სატენდერო დოკუმენტაცია;
2. დაევალოს სატენდერო კომისიის აპარატს სახელმწიფო შესყიდვების ერთიან ელექტრონულ სისტემაში განათავსოს სატენდერო დოკუმენტაცია და ელექტრონული ტენდერის აუქციონის გარეშე ჩატარების შესახებ განცხადება.
3. შესყიდვის ობიექტის ერთგვაროვნება განისაზღვროს შემდეგი კლასიფიკატორის შესაბამისად: 45400000 - შენობის დასრულების სამუშაოები.

სსიპ-საგანმანათლებლო და სამეცნიერო
ინფრასტრუქტურის განვითარების სააგენტო /
შესყიდვების სამსახური
მთავარი სპეციალისტი
თამარ კუჭუხიძე

სსიპ-საგანმანათლებლო და სამეცნიერო
ინფრასტრუქტურის განვითარების სააგენტო
შესყიდვების სამსახური
სამსახურის უფროსი
მესხიშვილი დავით

დ. მესხიშვილი



სსიპ-საგანმანათლებლო და სამეცნიერო
ინფრასტრუქტურის განვითარების სააგენტო
დირექტორის მოადგილე
გუგავა ტარიელ

სსიპ-საგანმანათლებლო და სამეცნიერო
ინფრასტრუქტურის განვითარების სააგენტო
დირექტორის მოადგილე (სამშენებლო
ინფრასტრუქტურის განვითარების დარგში)
ლომინაძე დავით

2. 08.14

სსიპ-საგანმანათლებლო და სამეცნიერო
ინფრასტრუქტურის განვითარების სააგენტოს
დირექტორის პირველი მოადგილე
შალუტაშვილი გიორგი



სსიპ-საგანმანათლებლო და სამეცნიერო
ინფრასტრუქტურის განვითარების სააგენტო
დირექტორი
სუხიტაშვილი ლევან

